



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

A Clemente XI. Ad Benedictum XIII.

Luxemburgi, MDCCXLI.

90. Ad augendam Fidelium &c. Concessio Indulgentiæ plenariæ pro
Christifidelibus Ecclesiasticum Interdictum in Civitatibus & Dioëcesibus
Cataniën., Agrigentin., & Liparen. Apostolicâ authoritate ...

[urn:nbn:de:hbz:466:1-74859](https://nbn-resolving.org/urn:nbn:de:hbz:466:1-74859)

tibusque, & aliis decretis in genere, vel in specie, etiam motu pari, ac consistorialiter, aut aliis quomodolibet, etiam iteratis vicibus in contrarium eorumdem præmissorum concessis, approbatis, confirmatis, & innovatis, etiam si in eis caveatur expressè, quòd illis per quascumque Literas Apostolicas, etiam motu simili pro tempore concessas, quascumque etiam derogatoriarum derogatorias in se continentes, derogari non possit, neque censeatur eis derogatum, quibus omnibus, & singulis, etiam si de illis, eorumque totis tenoribus specialis, & specifica, expressa, & individua, ac de verbo ad verbum, non autem per clausulas generales idem importantes, mentio, seu quævis alia expressio habenda, aut aliqua alia exquisita forma ad hoc servanda foret, etiam si in eis caveatur expressè, quòd illis nullatenus, aut nonnisi sub certis modo, & formâ derogari possit, tenores hujusmodi, ac si de verbo ad verbum nihil penitus omisso, & formâ in illis traditâ observatâ inserti forent, præsentibus pro plenè & sufficienter expressis, & insertis habentes, illis aliis in suo robore permanentibus, latissimè, & plenissimè hac vice dumtaxat specialiter, & expressè, eorundem tenore præsentium, motu simili derogamus, cæterisque contrariis quibuscumque. Nulli ergo omninò hominum liceat hanc paginam nostri motus proprii, ac abolitionis, concessionis, indulgi, decreti, commisionis, mandati, & derogationis, infringere, vel ei ausu temerario contraire; Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus, se noverit incursum. Datum Romæ apud S. Mariam Majorè in Anno Incarnationis Dominicæ millesimo septingentesimo decimo septimo, quarto Idus Martii, Pontificatus nostri Anno XVII.

Thomas Sportellus.

Sanctio pen-
nalis.

Dat. d. e. 13.
Martii 1717.

quæ haberetur ipsi præsentibus, si forent exhibitæ, vel ostensæ. Da um Romæ apud Sanctam Mariam Majorè sub annulo Piscatoris die VII. Maii MDCCXVII. Pontificatus nostri Anno decimosextimo.

F. Cardinalis Oliverius.

CONFIRMATIO

Decreti à Delegato Apostolico editi quoad initium, & Distributionem Orationis quadraginta horarum in Civitate Ulyxbonensi.

CLEMENS PAPA XI.

Ad perpetuam rei memoriam.

Regis pacifici vices, quamquam immeriti, gerentes in Terris, inter cætera cordis nostri desiderabilia, illud sinceris semper exoptamus affectibus, ut Christiani fideles, præsertim Patriarchali Dignitate insigniti, aliique Dignitates, & Canonici in Archiepiscopalibus Ecclesiis pro tempore obtinentes, juxta eorum dignitatem, aut gradum, Divinis obsequiis famulantes, vota sua in pacis amœnitate Altissimo reddant, ac unanimes, & uno ore Deum glorificent. Quapropter, si quæ pro litibus, & controversiis inter eos, superfeminante humani generis hoste zizania, exortis extirpandis, penitusque evellendis, simulque pro conservatione Jurium, & Præeminentiarum ad favorem Patriarchalium Ecclesiarum, juxta pia Catholicorum Regum vota per nostras literas concessarum ab Ecclesiarum Prælatibus eorundem literarum Exequutoribus facta fuisset comperimus, illa, né in recidivæ contentionis, & controversiæ vitium denuo prolabantur, Apostolicæ nostræ confirmationis munimine roboramus, ac aliàs de super Pastoralis Officii nostri partes, quantum Nobis ex alto conceditur, sedulo impendimus, prout conspicimus in Domino salubriter expedire.

S. 1. Exhibita siquidem Nobis nuper pro parte Venerabilis Fratris moderni Patriarchæ Ulyxbonensis. Occidentalis petitio continebat, quòd aliàs Nos omnibus, & singulis utriusque sexus Christiani fidelibus verè penitentibus, & confessis, ac Sacrà Communione refectis, qui in quacumque Ecclesiâ Civitatis Ulyxbonensis. ubi Oratio quadraginta horarum, ad instar illius, quæ ex institutione felic. record. Clementis Papæ VIII. Prædecessoris nostri in Alnâ Urbe nostrâ Româ assidue celebratur, indicta fuisset & devotè eo temporis spatio, quòd illis commodum visum fuisset, orassent plenariam peccatorum suorum Indulgentiam concessimus, prout in Literis Apostolicis in formâ Brevis sub Annulo Piscatoris die XXI. mensis Augusti Anni Domini MDCCXVI. Pontificatus nostri Anno decimo sexto expeditis, plenius contineri dicitur: Deinde verò Nos ex iustis, & rationalibus causis moti, ac quemadmodum pia Charissimi in Christo Filii nostri Joannis Portugaliæ, & Algarbiorum Regis Illustris vota exoptabant, Civitatem, & Diocesim Ulyxbonensem. in duas partes divisimus, & unam Civitatis, & Diocesis Ulyxbonensis. divisarum hujusmodi partem versus Orientem antiquo Archiepiscopatu Ulyxbonensi, in posterum Orientali nuncupando reliquimus; In alterâ verò earundem Civitatis, & Diocesis, ut præmittitur, divisarum parte versus Occidentem Patriarchalem Ecclesiam Ulyxbonensem. Occidentalem nuncupamus. creximus, ac Patriarchali Ecclesiæ prædictæ sic erectæ, alteram Civitatis, & Diocesis divisarum hujusmodi partem versus Oc-

Exordium à Pontificia sollicitudine, ac zelo, ut pax inter omnes sed Ecclesiasticas potissimum Personas conservetur.

Pontifex plenariam Indulgentiam concessit pro Oratione quadraginta horarum in Civitate Ulyxbonensi.

Postquam eandem Civitatem in duas partes a divisit, & alteram Patriarchali, alteram verò Archiepiscopali Ecclesiæ assignavit.

X C.

CONCESSIO

Indulgentiæ plenariæ pro Christiani fidelibus Ecclesiasticum Interdictum in Civitatibus, & Diocesis Catanien. Agrigentin., & Liparen. Apostolicâ auctoritate appositum inviolatè de præsentibus observantibus, ac de cætero, donec illud perduraverit, similiter observaturis.

CLEMENS PAPA XI.

Ad futuram rei memoriam.

Augendam Fidelium religionem, & animarum salutem cælestibus Ecclesiæ thesauris piâ charitate intenti, omnibus, & singulis utriusque sexus Christiani fidelibus Civitatum, & Diocesis Catanien. Agrigentin. Liparen. qui Ecclesiasticum interdictum, cui Civitates, & Diocesis præfatæ in præsens jussu nostro suppositæ reperiuntur, eâ, quâ par est, obedientiâ nunc observant, ac etiam in posterum, quousque illud perduraverit, similiter observare perrexerint, in cuiuslibet eorum mortis articulo, si verè penitentes, & confessi, ac sacrà Communione refecti, vel quatenus id facere nequiverint, saltem contriti Nomen Jesu ore, si potuerint, si minus corde devotè invocaverint, plenariam omnium peccatorum suorum Indulgentiam, & remissionem misericorditer in Domino concedimus. In contrarium facientibus non obstantibus quibuscumque. Volumus autem, ut præsentium literarum transumptis etiam impressis, manu alicujus Notarii publici subscriptis, & sigillo Personæ in Ecclesiasticâ dignitate constitutæ munitis eadem prorsus fides adhibeatur,